

金大史文集

金
史
紀
年
表

金正希先生文集輯畧目錄卷之四

與熊魚山

與熊魚山

與馮漸卿

與郡太守

與郡太守

與饒太守

與黃海峴

與歙令君

復劉呈週

復何貳尹

與蜀司李

與邑令君

與徐按臺

與畢東郊

與徐按臺

與吳去非

與凌蒼虛

復李應甲、

復葛屺瞻老師、

與郡太守、

與洪簡臣、

與熊魚山

庚辰

次蚤尚圖一再晤兄而宣子舟開相拉便同行一路
同看佛書亦遂能以漸而解真可人也所慮別後寒
暴之數不相敵耳弟前菴中共兄相對床上所語實
爲良法幸勿恩天下無事不求諸已水長船高泥多
佛大惟兄道力自進心光自透則內外分數自然相
應不慮宣子不與兄同增上也天如師願兄無輕視
之宣子歸時當與同詣師受一嚴戒彼此互相砥切
大抵因果歷然戒律冰霜方有趨道分此必然之理

如兄根力但一具此則於道如反掌不似第笨鈍尚
需時也日月不居百年轉盼望兄千萬自珍與兄等
在此時真所謂八十翁翁人場屋幸兄三思佛說因
果無有精粗生處路頭真可怕怖勿爲世諦所惑

與熊魚山 庚辰

小力從漢上得兄手教自吳下歸與前遣奉祝老伯
母之力先後至止知兄尚未入晉也歸來得一二同
志之友日夕相磋雖不能大有精進而駑馬勤步滴
石嚙木庶幾漸見此事之重微覺念力之永不負吾
兄歷來所諄諄明教耳憶兄去冬所示須要諦見得
到卽知阿難見三十二相與攝入媯席時謬妄相等
總無有異此自至言要必不是虛見可以冒昧承當
當與兄相期共勉今行年各四十有餘俱無絲毫頭

緒令攝入媯席時反如見三十二相而真如見火坑
則見所教見三十二相可與攝入淫席時觀之地亦
卽可刻限而到也 聖天子心行的是再來我等此
番受生不能及早徹透大法淨盡羣疑便灑然出頭
與 明君賢相得相劇切激 事使萬靈披光衆
魔歸命而兀兀縈縈一機莫發真是虛度不成丈夫
靜夜念之不禁追恨至於出處之事老親亦無成心
而弟自裹足難前總以此事未透無不濡不爇之具
而入水火持蹈地之身而冀度石飛空知必無益徒

見損喪惟望吾兄一日千里先爲倡導弟亦重惜寸
陰以日爲劫將圖進步不敢自廢耳

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

大與馮漸卿 庚辰

弟到會城向翁兄舊處相尋云已家九峯矣近於魚
山兄處得傳示尊教高論微言敢自棄外而不領悉
而弟鄙意則始終以爲文成知行合一之論實足千
古蒙翁兄屢稱宗門長處正長在此點水滴凍吹毛
利刃非翁兄所謂真實天壽不貳身世等若浮雲者
不可得到惟翁兄勿淺視爲幸至於龍溪縱有破綻
乃其踐履未純原非心病等語此等語句古人或偶
一提之所謂不得中行而與必也狂狷乃深惡痛絕

全大身集 卷四 四
鄉愿不得已之詞實非極力贊嘆狂狷而遂以其志
嚶嚶行不掩言爲學的驅天下後世英雄而復坐此
窠臼也第三十以前龍溪之書日夕不離案頭但一
開卷則心目爲光豈敢訛議豈敢謂先生不是一時
人豪要其長處頗多而爲天下後世相與承虛接響
往往推尊此語則龍溪之學其於文成雖欲不如五
霸爲三王之罪人不可得矣究實而論此等亦閒言
語要之此事真亘古亘今蓋天蓋地世尊所謂爲此
一大事因緣出現於世誠哉大事必不得以從上佛

祖及一二英雄偶以一二假名字及偶爾機境引導
衆生者而遂執爲定法便同世諦流布如第前所謂
疑誤衆生果受疑誤而此衆生則豈別指正第自謂
自悔而自恨焉耳今世英雄多住不疑之地旣已不
疑則亦必自以爲不誤雖不敢以其不疑爲遂果無
可疑而能不疑則亦已岸然不可及矣安得以其所
私疑而盡大地人蓋之以疑又不擇英雄而必強進
之以疑得無妄乎自有痛癢不容隱覆而其指歸則
惴惴輸載圖踰絕險之時呼將伯予庶無隕越而已

舟次艸勒一片志別言不盡意願共勉旃

與郡太守

近日傳聞仙鄉閉糶實甚頃有載自楚中道出南僥者亦爲諸郡縣所截至繫商於獄重費乃得脫今天下一家明旨屢申閉本處尚不應而况絕他運乎凡此皆地方諸無賴所爲不肖前在楚楚郡縣亦有爲諸無賴奸人所惑者不肖力爭之乃悟而止其實地方所必欲糶之家必不能畱徒以重苦農民而大飽奸橐而米商本籌子母計重費抵此中價必不得不騰是郡縣閉糶卽於本地方似有虛美名而已絕